

էջմիածին ուղեւորելէ առաջ՝ Կարապետ կթղ. ներկայ կ'ըլլայ Օրթագիւղի Ս. Աստուածածին եկեղեցիի օծման, և, ի ներկայութեան Կոլոտ պարք.ի, աթոռակալ Հաննէ եպս.ի և ժողովրդեան, Ս. Յակոբի վանքին համար յատկապէս պատրաստուած երեք կանոնները կարդացնել կուտայ և կը վաւերացնէ զանոնք: Պուրսայի և Գողատիոյ ճանապարհով կը մեկնի Ս. Էջմիածին: Մանրամասնութեանց համար գիմել (Նոնալ, 1859, ուր աշխարհաբարի թարգմանուած է Կարապետ կթղ.ի ինֆնակենսագրութիւնը՝ և ուրկէ մենք քաղած ենք վերոգրեալ տեղեկութիւնները:

ԿՍՐԱՊԵՏ ԿԹՂ. ՍՍՈՅ, ԹՕԽԱՏՅԻ. — (1447-1478), իր եղբայրն է պարոն Առաքել, եղբորորդին Տէր Գրիգոր. յիշատակագիր մը հետեւեալ վկայութիւնը կուտայ յիշատակարանին մէջ ա'յն ձեռագրին որուն ստացողը եղած է Կարապետ կթղ.: Գովելէ յետոյ անոր բարեմասնութիւնները՝ կը յիշատակէ Ս. Յակոբի վանքի մասին ըրած կարգադրութիւններն և օգտակար գործերը. «... նորոգեաց զսուրբ աթոռս, և ելեալ գնաց յերուսաղէմ և երկրպագեաց սուրբ տեղեաց տնօրինականացն Բրիտտոսի. և տեսեալ զամենայն պակասութիւն Հայոց վանացն Ս. Յակոբայ, զի յայնմ ժամանակի եկեղեցին Հայոց ի ներքե պարտուց անկեալ կայր, և խաչ և աւետարան և շուրջառ ի ձեռս այլազգեաց յաւանդ կային: Եւ անտի ելեալ Տէր Կարապետ կաթողիկոս գնացեալ էջ յեկիպտոս առ Սուլթան Տա՛իրն, և մեծարեալ պատուեցաւ ի նմանէ. և առեալ խիլայս մեծագինս և պարգեւս մեծամեծս, որպէս օրէն է թագաւորաց՝ տալ պարգեւս մեծամեծաց՝ ըստ արժանեացն: Եւ եկեալ կրկին յերուսաղէմ և ազատեաց զեկեղեցին ի պարտուց. և զսրբութիւնն ի յանօրինաց: Եւ անտի եկեալ սեփականեաց զսուրբ աթոռս Կիլիկեցոց, ի սուրբ ուխտս Տէր Պաւղոսի, զոր Տէր Աստուած վայելել տացէ նմա զաթոռ և զգիրքս, և անջինջ յիշատակ պահեսցէ նմա և ծնողաց իւրոց և եղբորն Պարոն Առաքելին և եղբորորդւոյն Տէր Գրիգորին. ամէն.» (Հայագրութիւն, էջ 575):

ԿՍՐԱՊԵՏ ԿՐՕՆԱԻՈՐ. — Մբ. Էջմ. Յուլ. Թ. 193. էջ 14 Աստուածաշունչի յիշատակարանէն կը հասկցուի թէ՛ 1331 թուին Հայոց Օշինի սրբուոյն՝ Լեոնի օրով, նոյն ձեռագիրը Կարապետ կրօնաւոր ընդօրինակած է Ս. Յակոբի վանքին մէջ: